

**Khuatir Chin Peng dihargai alasan Putrajaya halang abu mayat masuk  
Malaysian Insider  
Sept 23 , 2013  
OLEH MOHD FARHAN DARWIS**

Keengganan Putrajaya membenarkan abu mayat bekas pemimpin Parti Komunis Malaya (PKM) Chin Peng dibawa masuk ke negara ini ekoran khuatir wujudnya usaha "penghargaan" kepada pemimpin pengganas tersebut, kata Menteri Dalam Negeri Datuk Seri Dr Ahmad Zahid Hamidi (gambar).

Ahli Parlimen Bagan Datoh itu menegaskan, Putrajaya sebelum ini telah menawarkan kerakyatan kepada Chin Peng sebanyak dua kali namun Setiausaha Agung PKM berkenaan menolak tawaran tersebut.

"Dia tidak pernah menyerahkan borang permohonan. Kami menganggap dia menolak tawaran kerajaan Malaysia," katanya kepada pemberita di lobi Parlimen hari ini.

"Sebab utama (larangan) bukanlah abu (mayat) semata-mata tetapi kami khuatir ada individu yang akan mewujudkan memorial dan memberikannya penghargaan," kata Ahmad Zahid lagi.

Keluarga Chin Peng masih lagi membisu berkenaan abu mayat pemimpin komunis itu walaupun hanya tinggal beberapa jam sahaja lagi mayatnya akan dibakar. – 23 September, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/khuatir-chin-peng-dihargai-alasan-putrajaya-halang-abu-mayat-masuk>